



Pou Piblikasyon Imedya: 12/07/2023

GOUVÈNÈ KATHY HOCHUL

GOUVÈNÈ HOCHUL ANONSE PRIM 31.5 MILYON DOLA POU PWOGGRAM PAKOU NAN TEKNOLOJI POU LEKÒL SEGONDÈ PREMATIRE ETA NEW YORK LA

Douz benefisyè yo pral itilize finansman pou prepare etidyan New York yo pou travay ki gen gwo konpetans nan teknoloji, swen sante, finans ak fabrikasyon

Pwogram konbine fòmasyon lekòl segondè, kolèj, ak fòmasyon karyè, li konsantre sou elèv ki an risk sou plan akademik ak ekonomik yo

Elèv yo pral resevwa konsèy kontinyèl nan men pwofesyonèl nan sektè karyè yo chwazi yo

Gouvènè Kathy Hochul te anonse jodi a 31.5 milyon dola nan finansman pou pwogram Pathways in Technology (Pakou nan Teknoloji) Eta New York la ki pral prepare plizyè milye etidyan New York pou travay ki gen gwo konpetans alavni nan teknoloji, fabrikasyon, swen sante, ak finans. Envestisman sa a finanse patenarya rejyonal ki reponn ak pi gwo bezwen pou gen aksè amelyore nan opòtinite pòs-segondè sitou pou elèv ki an risk sou plan akademik ak ekonomik yo epi li travay pou ranfòse filyè ki genyen ant talan lokal yo ak endistri yo ak yon pèspektiv favorab pou travay. Chak patenarya pral gen ladan K-12, edikasyon siperyè, ak patnè biznis/anplwayè yo.

"Devlopman mendèv bonè ak mentora karyè pèmèt elèv yo dekouvi pasyon yo ak talan yo, devlope konpetans yo epi konstwi relasyon ak konseye ki ka gide yo nan vwayaj karyè yo epi prepare yo pou travay demen yo", **Gouvènè Hochul te deklare.** "Pwogram sa a pral ede asire ke plizyè milye etidyan New York ka atenn tout potansyèl yo epi li bay patwon yo aksè a yon gwo rezèv talan ki ka mennen antrepriz yo nan yon lòt nivo."

Pwogram Pakou nan Teknoloji pou Lekòl Segondè Prematire Eta New York la (New York State Pathways in Technology Early College High School, NYS P-TECH) enkòpore yon pwogram entegre ki dire ant 4 ak 6 ane ki konbine lekòl segondè, kolèj ak fòmasyon karyè. Pwogram nan se yon patenarya publik-prive ki fèt pou bay elèv yo konsèy ak opòtinite pou aprann atravè vizit nan espas travay, oratè, ak estaj.

Elèv yo elijib pou resevwa yon diplòm Asosye nan yon domèn teknoloji avanse epi yo nan premye plan pou yon travay ak patnè biznis yo k ap patisipe apre pwogram nan fini.

Atravè pwogram etid sa yo nan domèn karyè ki gen gwo salè, gwo konpetans ak gwo demann, elèv yo pral kapab jwenn kredi relve nòt pou jwenn yon Diplòm Asosye. Pakou karyè yo kòmanse nan nevyèm ane epi yo enkli aprantisaj nan espas travay ak kou nan lekòl segondè ak nan kolèj. Chmen an bay yon sekans etid san pwoblèm ki pwolonje nan dezan karyè apre segondè ak edikasyon teknik ki fini nan yon diplòm Asosye.

Benefisyè yo enkli:

- Schenectady CSD - 2,700,000 dola an patenarya ak SUNY Schenectady County Community College, Chanm Komès Rejyon Kapital la, ak Ellis Medicine
- Syracuse CSD - 2,700,000 dola an patenarya ak SUNY Onondaga Community College ak Micron Technology
- Dutchess BOCES - 2,950,000 dola an patenarya ak SUNY Dutchess Community College ak Konsèy Endistri a (The Council of Industry)
- Niagara Falls CSD - 2,308,983 dola an patenarya ak SUNY Niagara County Community College, Sant Medical Memoryal Niagara Falls (Niagara Falls Memorial Medical Center), ak M&T Bank
- North Tonawanda CSD - 2,313,738 dola an patenarya avèk SUNY Niagara County Community College ak Ingram Micro
- Madison-Oneida BOCES - 2,850,000 dola an patenarya ak SUNY Mohawk Valley Community College ak MACNY
- Yonkers CSD - \$2,700,000 dola an patenarya ak SUNY Westchester Community College, Computer Corporate Solutions, Groundwork Hudson Valley Incorporated, ak Depatman Teknoloji Enfòmasyon pou Vil Yonkers (Department of Information Technology for the City of Yonkers)
- Peekskill CSD - 2,700,000 dola an patenarya ak SUNY Westchester Community College, Open Door Family Medical Center, Peekskill Volunteer Ambulance Corps., Ossining Volunteer Ambulance Corps., ak Sun River Health
- Lekòl Piblik New York yo - HS pou Inovasyon nan Piblisite ak Medya (HS for Innovation in Advertising & Media) - 2,656,158 dola an patenarya ak City Tech: NYC College of Technology ak Asosyasyon Ameriken pou Ajans Piblisite (American Association of Advertising Agencies) yo
- Lekòl Piblik New York yo - Asanble Iben pou Jesyon Ijans (Urban Assembly for Emergency Management) - 2,467,640 dola an patenarya avèk CUNY Borough of Manhattan Community College ak Northwell Health
- Lekòl Piblik New York yo - Urban Assembly New York Harbour School - 2,588,895 dola an patenarya ak SUNY Maritime College ak Billion Oyster Project
- Brewster CSD - 2,564,586 dola an patenarya avèk SUNY Westchester Community College ak Brewster Chamber of Commerce

Rektè Konsèy Administrasyon an, Lester W. Young, Jr., te deklare, "Pwogram P-TECH eta a bay elèv yo opòtinite pou aplike apramtisaj yo nan yon domèn ki enterese yo. Lè yo fin konplete avèk siksè pwogram nan, elèv yo pral gen kredi nan kolèj epi yo pral angaje yo nan eksplorasyon karyè. Yo prepare pou antre nan mendèv la oswa kontinye edikasyon yo nan domèn syans, teknoloji, jeni, ak matematik (science, technology, engineering, and math, STEM) ki gen anpil demann epi ki byen peye.

Finansman sa a pral sipòte aprantisaj 21èm syèk la davantaj ak odela nan ranfòse patenarya ak lekòl segondè yo, kolèj yo, ak opòtinite devlopman karyè yo."

Komisè Edikasyon Eta New York la, Betty A. Rosa, te deklare, "Patenarya solid ak kolaborasyon ant lekòl nou yo, kolèj, ak anplwayè yo esansyèl pou amelyore aksè nan opòtinite apre lekòl segondè pou elèv ki nan reyon ki gen pi gwo bezwen yo. Pwogram P-TECH la sipòte efò nou pou avanse ekite edikasyon nan bay elèv yo opòtinite pou yo gradye nan lekòl segondè ak konpetans ak konesans yo bezwen pou karyè nan STEM ak jwenn kredi kolèj gratis. Pwogram enskripsyón doub tankou P-Tech ak Early College High Schools bay elèv yo yon bon jan kalite edikasyon, eksperyans nan aprantisaj apre lekòl segondè, eksplorasyon karyè, ak opòtinite pou yo jwenn kredi nan kolèj."

Rektè SUNY an, John B. King, Jr., te deklare, "P-TECH reyini ansanm K-12, edikasyon siperyè, ak patnè anplwayè yo pou kreye opòtinite ekonomik pou premye jenerasyon k ap tann kolèj ak lòt elèv ki pa reprezante ase yo atravè Eta New York. Pandan vizit kanpis mwen yo nan 28 patnè kolèj SUNY P-TECH yo, mwen te kapab wè pèsonèlman enpak pou prepare elèv yo pou diplòm ak djòb nan domèn manifakti avanse, swen sante, sibèsekirite, ak domèn IT yo ki mennen nan karyè ki byen peye, epi ki gen anpil demand. Mwen bat bravo pou Gouvènè Kathy Hochul poutèt li te envesti nan siksè jenerasyon k ap vini yo."

Rektè CUNY an, Félix V. Matos Rodriguez te deklare, "CUNY fyè dèské li te ede kreye Pwogram P-Tech Eta New York la, ki mete elèv lekòl segondè yo sou yon pakou san entèripsyón pou jwenn yon diplòm asosye nan pri ki ba ak yon karyè dirab nan yon domèn ki gen anpil demand. Nou remèsye Gouvènè Hochul pou ogmantasyon envestisman sa a nan yon pwogram k ap ankouraje kwasans ekonomik pou New York ak prepare elèv yo pou karyè ki pwomèt, amelyore mobilite sosyoekonomik yo epi ede CUNY akonpli misyon istorik li."

Manm Konsèy Administrasyon SUNY an, Stan Litow, "Done yo montre ke moun ki antre nan mendèv la ak yon diplòm kolèj touche plis pase yon milyon dola nan salè pou tout lavi konpare ak moun ki gen sèlman yon diplòm lekòl segondè. Siksè P-TECH la klè. Li te kòmanse nan Eta New York, li ap ofri yon pakou klè soti nan lekòl, nan kolèj, epi pou rive nan karyè. Dapre siksè dokimante li, li te pwopaje atravè New York ak 14 eta ak 28 peyi, ki ofri plizyè dizèn milye elèv konpetans ak edikasyon ki nesesè pou siksè karyè. Mwen remèsye Gouvènè Hochul pou lidèchip pou angajman li anvè P-TECH, kòlèg mwen yo nan Konsèy Administrasyon ak Chanselye King, ak kanpis SUNY an ki patisce nan pwogram sa a."

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)